


# THEORI.

CÆ NOVÆ PLANE-  
TARVM GEORGII PVR-  
bachij *foeliciter incipiunt.*


FIGVRA NOVEM SPHAERA-  
rarum & elementorum ordinem designans.

Terra  
Aqua  
Aer  
Ignis.  
Luna  
Mercurius  
Venus  
Sol  
Mars  
Jupiter  
Saturnus  
Primum  
Zodiacus  
Sphaera.



PARISIIS,  
Apud Christianum Wechelum, sub Pegaso,  
in uico Bellouacensi.  
An. M. D. L.





# Theoricæ no-

## VÆ PLANETARVM

GEORGH PVRBACHII

*foeliciter incipiunt.*

DE SOLE.

PRIMA PARS DESCRIBIT

*orbes, & horum centra.*




SOL habet tres orbes à se inuicem omni-  
quaque diuisos, atq; sibi cōtiguos. Quo-  
rum supremus secundum superficiem cō-  
uexam est mūdo cōcentricus, secundum  
concauam autem eācentricus. Infimus ue-  
rò secundum concauam cōcentricus, sed secundum conue-  
xam eācentricus. Tertius autem in horum medio locatus  
tam secundum superficiem suam conuexam, quā con-  
uam est mundo eācentricus. Dicitur autem mundo cō-  
centricus orbis, cuius centrum est centrum mundi. Eācen-  
tricus uerò cuius centrum est aliud à centro mundi.

Duo itaque primi sunt eccentrici secundum quid, &  
uocantur orbes augem solis deferentes. Ad motum e-  
nim eorum aux solis uariatur. Tertius uerò est eccen-  
tricus simpliciter, & uocatur orbis solem deferens. Ad  
motum enim eius, corpus solare infixum sibi mouetur. Hi

A ij

tres orbes duo centra tenent. Nam superficies conuexa  
 supremi & concava infimi idem centrum habent, quod  
 est mūdi centrum. Vnde tota sphaera solis, sicut & alte-  
 rius cuiuscunque planeta tota sphaera concentrica mun-  
 do dicitur esse. Sed superficies concava supremi atque cō-  
 uexa infimi unā cum utriusque superficiebus mediij, unum  
 aliud quod centrum eccentrici dicitur, habent.

THEORICA TRIUM  
 orbium solis.



## Scholia.

Duo orbes difformes. C. & E.

Medius ad cuius motū sol zodiacū in anno pertrāsit D.

Centrum mundi B.

Centrum cæntrici A.

Extima circumferentia eclipticam representat, penes quam inferiorum sphaerarum motus metimur.

SECUNDA PARS DE PERIODIS horum trium orbium.

Textus I.

DE PERIODICO MOTU deferentium augem.

**M**ouentur autem orbes deferentes augem solis, motibus proprijs proportionalibus, ita quod semper strictior pars superioris sit supra latiore inferioris, & aequè citò circumeunt secundum mutationem motus octauæ sphaerae, de quo posterius dicendum erit. Poli tamen bulus motus sunt eclipticæ octauæ sphaerae. Aux enim cæntrici solem deferentis in superficie eiusdem eclipticæ continuè reuoluitur.

DE MOTU PERIODICO ORBIS cæntrici, qui defert corpus solare. II.

**S**ED orbis solare corpus deferens motu proprio super suo centro saliat cæntrici, regulariter secundū suæssionem signorum quotidie 59. minutis & octo secundis ferè de partibus circumferentiæ per centrum corporis solaris una reuolutione completa descriptæ mouetur. Cuius motus poli à polis priorum orbium distant,


A iij & sunt

*¶* sunt termini axis illius orbis, scilicet lineæ euntis per centrum eccentrici axi orbium augem deferentium æquidistantis. Ex his apparet quod propter motum orbium augem deferentium, quem habent uirtute motus octauæ sphaera, axis orbis solem deferentis cum centro circuli eccentrici atque polis eiusdem circa axem orbium augem deferentium, paruorum circulorum circumferentias describant secundum eccentricitatis quantitatem.

Theo.

**SOLIS:**  
**THEORICA AXIVM**  
**ET POLORVM.**

7.



*Axis deferentium augem solis, qui & axis eclipticae  
octavae sphaera pars est G.B.H.*

*Axis eccentrici priori equidistans. E. A. F.*

*Eccentricitas solis. B. H.*

*Poli deferentium augem. G. H.*

*Poli eccentrici E. & F.*

**A** *iii* **Semiar-**

Semicirculi quos poli eæntrici raptu motus deferentium augem; E. K. & F. H. I.


Semicirculus quem eodem raptu centrũ eæntrici circa centrum mundi describit. A, L.

Textus.

**C**Um autem centrum solare ad motum orbis ipsum deferentis regulariter super centro eæntrici moueatnr, necesse erit, ut super quocunque puncto alio irregulariter moueatur. Quare sol super cetro mundi in temporibus equalibus inæquales angulos, & de circumferentia zodiaci inæquales arcus describit.

Scho-





## Scholia.

Maiores & extremus circulus. G. N. L. P. eclipticum representat. Minor uero. H. M. K. O. eccentricus. In ipso eccentrico uersus augem arcus. H. M. arcui K. O. uersus oppositum augis æqualis est, quibus qui in ecliptica respondent inuicem inæquales sunt, utpote G. N. minor L. P. quos tamen sol æquis temporum spatiis pertransit, ut illos in eccentrico æquales.

T E R-

## TERTIA PARS IN QVA EXPO-

nit terminos seu uocabula, quorum notitia requiritur ad calculandos motus.

I.

**C**irculus itaque eccentricus, uel egressæ cuspidis, aut egredientis centri, dicitur circulus, cuius centrum est aliud à centro mundi, ipsum tamen ambiens. Imaginamur autem in sole eccentricum circulum per lineam à centro eccentrici usque ad centrum solare euntem regulariter motam super centro eccentrici una reuolutione facta describi, qui semper est pars superficiei eclipticæ orbis signorum octauæ sphaeræ.

II.

Aux solis in prima significatione, siue longitudo longior, est punctus circumferentiæ eccentrici maximè à centro mundi remotus. Et determinatur per lineam à centro mundi per centrum eccentrici utrinque ductam, quæ linea augis dicitur.

III.

Oppositum augis, siue longitudo propior est punctus circumferentiæ eccentrici, maximè centro mundi propinquus, et semper augi diametraliter opponitur.

IIII.

Longitudo media est punctus circumferentiæ inter augem et oppositum augis. Et in sole determinatur per lineam quæ à centro mundi extens facit rectos angulos cum augis linea. Talia duo tantum in eodem eccentrico reperiuntur.

Linea


## V.

Linea medij motus solis est linea à centro mundi ad zodiacum extenta, linea à centro eccentrici ad centrum solare pertracta æquidistans. Hæ tamen due lineæ bis in anno sunt unâ, ut cum sol in auge eccentrici vel opposito fuerit. Sicut autem una earum super cẽtro suo regulariter uoluitur, ita alia etiam super suo. Nam semper cum differunt, unâ cum augis lineæ æquales angulos faciunt.

THEORICA

## THEORICA LINEAE ET ARCUS

. medij motus augis & argumenti.



## Scholia.

Linea augis. G.H.A.B.K.L.

Aux punctum H. oppositum k. longitudines mediae O.P, quae in ecliptica productis lineis designari similiter solent, ut aux in puncto G.

Sole constituto in puncto eccentrici M. si linea A.M. à cetro eccentrici ducta ad solem, æquidistās à cetro mūdi ad eclipticam linea protrahatur, ea erit linea medij motus solis, ut in præsentī figura linea B.N. VI.

## Textus.

## VI.

Medius motus solis est arcus zodiaci ab ariete incipiens secundum signorum successionem usque ad lineam medij motus computatus.

## VII.

Aux solis in secunda significatione est arcus zodiaci ab ariete, secundum successionem signorum usque ad augis lineam.

## VIII.

Argumentum solis, est arcus zodiaci, inter augis lineam, & lineam medij motus solis secundum signorum successionem. Hic semper est similis arcui eccentrici inter augem eccentrici, & centrum solis secundum successionem cadenti. Ex illo patet ratio, quod subtracta auge solis in secunda significatione à solis motu medio, aut ab eo cum toto circulo, argumentum solis remaneat.

## IX.

Linea veri motus solis est linea à centro mundi per centrum corporis solaris ad zodiacum extenta. Quam sole in auge, uel opposito existente eadem cum linea medij motus esse contingit.

## X.

Verus motus solis est arcus à principio arietis usque ad veri motus lineam. Tantum autem existente sole in auge, uel opposito, medius motus & verus idem sunt. Alibi namque semper differunt.

Theo-



*Arcus augis, quæ aux in secunda significatione dicitur. A.C.*

*Argumentum D.H.*

*Linea ueri motus solis B.O.G.*

*Verus motus solis B.C.G.*

*Æquatio solis G.H. quæ sole ab auge ad oppositum soluente subtrahitur à medio motu, ut uerus relinquatur. In reliqua autem medietate additur.*

## X I.

*Æquatio solis est arcus zodiaci inter lineas medijs motus & ueri cadens. Hanc nullam esse accidit, cum sol in auge uel opposito fuerit. Maior uerò, quæ potest esse, sole in longitudinibus medijs constituto, contingit. In alijs autem locis secundum argumenti uariationem crescit & decrescit. Quanto namque uicinior sol auge fuerit, uel opposito augis, tãto minor est, quanto uero uicinior longitudinibus medijs, tantò maior. Dum argumentum minus sex signis communibus fuerit, linea medijs motus lineam ueri præcedit, quare tunc æquatio subtrahitur. Sed dum maius sex signis est, fit è cõuerso, quare tunc æquatio medio motui coniungitur, ut uerus motus solis exeat.*

PR I-

# THEORICA DE LVNA.

## PRIMA PARS DE orbibus & centris.

### Textus.


Luna habet orbes quatuor, & unā spherulam. Primò enim habet tres orbes, sicut sol infiguratione dispositos, scilicet duos excentricos secundum quid, qui uocantur orbes augem excentrici lunæ deferentes, & tertium excentricum simpliciter in horum medio locatum, qui deferens epicyclum appellatur. Deinde habet orbem mundo concentricum aggregatum ex tribus alijs ambientem, qui deferens caput draconis dicitur. Vltimò habet spherulam, quæ uocatur epicyclus profunditati orbis tertij immerfam, in quo quidem epicyclo corpus lunare figitur.

Theo-



L' V N' AE.  
THEORICA ORBIVM  
& centrorum Lune.

17.



Scholia.

Centrum eccentrici S.

Centrum mundi T.

Punctum diametraliter oppositum centro eccentrici V.

Duo orbis diffformes G. & H. K.

Eccentricus deferens epicyclum F. M.

Quartus orbis deferens caput & caudam draconis D. E.

B

Epicycl-

*Epicyclus orbiculus iuxta F. crassitiem ecentriā replens. arca cuius centrum Luna intra epicycli superficiem infixa deferitur, ut notula nigra prope F.*

Textus.

## SECUNDA PARS DE PERIODIAS MOTIBUS, AXIBUS & POLIS.

I.

### DE MOTV DEFERENTIVM

*augem ecentrici.*

*Mouentur autem deferentes augem ecentrici contra successionem signorum simul regulariter super centro mundi ultra motum diurnum in die naturali gradibus undecim & duodecim minutis fere. Et axis motus istius axem zodiaci in centro mundi intersecat, unde & poli eius à polis zodiaci declinant, & quantitas talis declinationis est quinque graduum inuariabilis semper.*

II.

### DE MOTV DEFERENTIS

*epicyclum.*

*Orbis uerò epicyclum deferens mouetur secundum successionem signorum regulariter super centro mundi, ita quòd omni die naturali tali motu cētrum epicycli reddecim gradus, & undecim minuta fere perambulet. Axistamen huius motus per cētrum huius orbis, quod centrum ecentrici diatur, æquidistanter axi augem deferentium mouetur. Vnde etiā poli motus istius à polis orbium augem deferentium distabunt secundum ecentricitatis quantitatem.*

Theorica



Ex istis sequitur primò, quòd quãuis eccentricus epicyclum deferens super axe, atque polis suis moueatur, non tamen super eisdem regulariter mouetur.

Secundò quantò epicyclus Lunæ augis deferentis cū uicinior fuerit, tantò uelocius centrum eius mouetur, & quantò uicinior augis eiusdem opposito, tantò tardius. Signatis enim aliquibus angulis equalibus super centro mundi uersus augem & oppositū, qui uersus augem est, maiorem arcum eccentrici quam alter uersus oppositum complectitur.

Tertiò centrum eccentrici Lunæ circa centrū mundi, & axis eiusdem orbis circa axem augem deferentium, & poli eiusdem circa polos illorum uoluuntur regulariter, circunferentias contra successionem describendo.

Quartò aux eccentrici Lunæ similiter contra successionem signorum progrediēdo regulariter mouebitur, & eclipticam prateribit. Vnde quandoque in superficie eius, quādoque uerò ab ea, aut uersus austrum, aut uersus aquilonem reperietur. Vnde fit ut etiam centrum eccentrici similiter à superficie eclipticæ in partes oppositas quandoque recedat.

Quintò non semper superficies eclipticæ superficiem eccentrici per equalia secabit. Cū enim aux eccentrici in latitudine fuerit, maior portio superfici ei eccentrici uersus augem erit. Superficies nanque eccentrici per superficiem eclipticæ in diametro eclipticæ per centrum mundi transeunte secatur.

Vocatur

Vocatur autem superficies eæcentrici circulus per lineam à centro eæcentrici usque ad centrū epicycli protensam, una reuolutione facta, descriptus. Huius circumferentiæ partes aux, & oppositum augis, atque longitudo media, sicut in sole uocantur.


DE PROPORTIONE MOTV  
um, & eæcentrici, & deferentium au-  
gem eæcn. Lune ad  
motum Solis.

Disti uerò orbes Lune in motu suo talem habent ad Solis motum annexionem, ut semper linea medij motus solis sit in medio inter centrū epicycli Lune, & augem eæcentrici eius, uel simul cum eis, uel in opposito amborū simul existentium, ita quòd in omni media Solis & Lune coniunctione, centrum epicycli Lune, & linea medij motus Solis, & aux eæcentrici Lune sint in uno pūcto zodiaci secundum longitudinem. Quare fit, ut in omnibus quadraturis medijs eorum, centrum epicycli Lune sit in opposito augis eæcentrici sui. Et in omni oppositione media rursus in auge.

B ij      Sequitur

## SEQVITVR INSTRVMENTVM

ex quo hæc motus lune uarietas perspici potest.



## Scholia.

Sit media coniunctio Solis & Lune sub principio  
Arietis A. ubi lineæ mediorum motuum Solis & Lune  
inuicem & cum augis linea coniungantur, post eandem  
coniunctionē quinq; ferme elapsis diebus linea medij mo-  
tus

tus Lunæ quotidie 13. gradus transeundo ad quintum gradum geminorum perveniet.

Similiter linea augis eccentrici contra signorum ordinem singulo die 11. grad. peragrans ad quintum gradum Aquarii quinto die accedet. Sol autem seu linea medij motus eius quintum iam Arietis gradum occupabit, utrinque ad lineam medij motus Lunæ & augis eccentrici lineam sextilem aspectum habens, & in medio utriusque equaliter distans. Pari modo ab utraque earum linea medij motus solis semper æquè distat, aut utrique simul iungitur.

Textus.

Vnde patet ratio, aut medio motu Solis subtracto, à medio Lunæ remaneat media eorum elongatio, & ea duplicata cætrum Lunæ proveniat. Distantia namque lineæ medij motus lunæ à lineâ medij motus solis secundum successionem signorum media vocatur eorum elongatio. Distantia autem lineæ medij motus lunæ ab augē eccentrici secundum suam affectionem, cætrum lunæ dicitur, vel longitudo duplex, aut duplex interstitiū. Patet etiā, q. in omni mēse lunari cætrum epicycli lunæ bis pertrāsīt orbes augē eccentrici deferētes.

III.

#### DE MOTU QUARTI ORBIS,

qui defert caput & caudam draconis.

Sed orbis quartus concentricus caput draconis deferens movetur super axe zodiaci circa centrum mundi regulariter, contra suam affectionem omni die naturaliter minutis ferè, secum tali motu cōtinuè aggregatū ex tribus orbibus, quos ambit, arcuandū.

B iiij

Vnde

Vnde fit, ut circumferentia eccentrici continuè superficiem eclipticæ in alijs & alijs punctis eius uersus occidentem interfecet.

Sequitur etiam, ut tali motu poli augem deferentiũ, circa polos zodiaci mouendo peripherias circulorum describant.

## DE MOTV EPICYCLI


L V N AE.

IIII.

Epicyclus autem circa centrum suum corpus lunare sibi infixum in superiori parte contra successionem, in inferiori secundũ, deferendo mouetur super axe suo orthogonaliter super peripheriam eccentrici iacente, ita quod superficies plana circumferentiæ epicycli, quam cẽtrum corporis Lunæ motu epicycli describit in superficie plana, eccentrici maneat nusquam ab eo declinans.

Scholia





## Scholia.

Zodiacus extimus circulus iuxta quem sex priorum signorum characteres figurantur.

Eccentricus-epicyclum deferens H.E.K.

Epicyclus orbiculus super circumferentia eccentrici centrum habens C.B.A.G.F.D.

Ordo motus Lune in ipso epicyclo circa centrum eiusdem per superiorem partem contra successionem signorum

gnorum, & secundum eorum or linem per inferiorem  
nempe à C. per B. A. G. F. D. ad C. redeundo.

Textus.

DE IRREGVLARI  
motu epicycli.

Circunvoluitur tamen epicyclus taliter, ut super centro proprio atq; axe irregulariter moueatur. Sed hæc irregularitas ad uniformitatē reduatur istam, ut à puncto augs epicycli mediæ, quicumque sit ille, quolibet die naturali tredecim gradus, & quatuor minuta ferè recedendo regulariter elongetur.

Aux autem mediæ epicycli, est punctus circumferentiæ epicycli, quem ostendit linea à puncto diametraliter opposito centro eccentrici in arcu paruo, per antrum epicycli ducta.


Sex aux epicycli uera, est punctus eiusdem circumferentiæ, quem linea à centro mundi per antrum epicycli ducta indicat. Hæ duæ auge unus punctus sunt, cum centrum epicycli in auge deferētis, uel opposito fuerit. Alibi autem ubicunque differunt.

Ex istis patet, quod nullus idem punctus concauitatis, in qua epicyclus situatur, continuè super auge epicycli mediæ siue uera maneat. Nam talis punctus concauitatis, qui centro epicycli existente in auge deferētis uel opposito, super auge mediæ epicycli, & uera fuerit, semper (ubicunque centrū epicycli sit) per lineam ductam à centro eccentrici per centrum epicycli determinatur. Talis autem punctus centro epicycli alibi, quàm in auge  
uel

uel opposito existente, non est super auge<sup>m</sup> mediam epicycli, neque ueram, imò tam aux uera, quàm media sunt tunc sub loas eiusdem concauitatis alius. Tres nanque lineæ prædicta pūcta ostendentes in æntro epicycli, tūc sese secabunt. Erit tamen ita, ut aux uera semper, dum ab auge media differt, sit inter auge<sup>m</sup> mediam, & punctum concauitatis, sub quo aux uera, dum centrum epicycli in auge deferentis, uel opposito fuerit, esse solet. Quare sequitur, ut tam aux media epicycli, quàm uera continuè uariantur. Infertur ex hoc etiam, quòd reuolutio epicycli circa centrum suum, æntro epicycli per superiorem eccentrici medietatem discurrente sit uelocior, per inferiorem uerò tardior.

**Schema**

THEORICA  
SCHEMATIVM  
PVNCTORVM.



*Scholia.*

*Centrum excentrici S. mundi uerò T.*

*Punctum oppositum centro excentrici in paruo arculo V.*

*Sex situs epicycli sex albis orbiculis in excentrico signatis per literas A.B.C.D.E.F. designantur.*


*Tres*

Tres lineæ à centro mundi, à centro eccentrici, & à puncto eidem opposito per centrum epicycli productæ in superiori parte epicycli tria puncta in præsens attentè notandâ distinguunt, nempe quæ à centro mundi exit augem ueram epicycli iuxta punctum V, quæ à puncto opposito centro eccentrici ducitur, augem mediam signat ad M. P. uerò illud designat punctum, sub quo media & uera aux inuicem coniunguntur, scilicet centro epicycli per eccentrici augem, aut eius oppositum transcurrente.

Arcus epicycli mediam ac ueram augem interiacens scilicet V. M. dicitur centri æquatio, quæ prope longitudes medias maxima fit in auge eccentrici atque eius opposito nulla.

Theorica

THE ORICA  
THEORICA VELOCITA-  
tis, & tarditatis motus epiicycli.



Scholia.

Epiicycli cētro ab auge eccentrici per unius signi interuallū recedente aux media saliat M. arcu P. M. mouetur scaundū ordinem motus Lunæ. hinc tanta portione uelodus Luna q̄ medio argumento fertur, cū semp æquē recadat ab ipsa media auge 13. gradibus quotidie saliat.

Dum

Dum uerò epicyclus per infimam eccentrici medietatem incedit, non secundum ordinem motus lunæ medietatem mouetur, sed ad contrarias partes, adeò quòd interea dum epicyclus ex Scorpione transit ad Sagittarium (quod in hac figura oppositum augis est) ex M. ad P. medietatem regrediatur, arcum. M. P. ei distantiam, quam Luna suo motu consequitur addens, nec tamē singulo die maiori spatio à medietate auge recedit, quàm dñs ordo motus augis medietatem, motus Lunæ sequebatur seriē.

## Textus.

## TERTIA PARS, EXPOSITIO

terminorum seu uocabulorum, sine quorum notitia motus non possunt calculari.

Linea itaque medij motus lunæ est, quæ à centro mundi usque ad zodiacum per centrum epicycli protrahitur.

Medius motus Lunæ est arcus zodiaci ab arietis initio usque ad dictum locum.

Centrum Lunæ patet ex dictis.

Linea ueri loci, siue ueri motus Lunæ est, quæ à centro mundi per centrum corporis Lunæ ad zodiacum extenditur.

Verus motus Lunæ est arcus zodiaci à principio arietis usque ad dictam lineam.

Aequatio centri est arcus epicycli, augem ipsius ueræ & mediam intercidentem. Hæc nulla sit cētro epicycli in

eli in auge eccentrici, uel opposito existente. Maxima uerò cum ipsum fuerit modicum infra longitudes medias deferentis.

Argumentum lunæ medium est arcus epicycli, ab auge epicycli media secundum motum cētri corporis lunaris, usque ad idem centrum lunare computatus.


Argumentum autem uerum ab auge uera, usque ad centrum corporis lunæ protenditur. Differentia igitur inter hæc argumenta, quando differunt, est centri æquatio. Cum uerò centrum lunæ minus sex signis fuerit, maius est argumentum uerum medio. Ideo æquatio centri argumento medio adiicitur. Sed cum plus sex signis fuerit, fit econuerso. Quare tunc subtrahitur ad habendum uerum argumentum.

Æquatio argumenti est arcus zodiaci lineis medijs motus & ueri interiacens. Hanc nullam esse contingit, dum cētrum corporis lunaris in auge uera epicycli uel opposito fuerit, ubicunque tunc sit centrum epicycli. Maxima uerò, dum centrum epicycli in opposito augis eccentrici fuerit, & cum hoc luna in linea à centro mundi ad peripheriam epicycli ducta contingenter, existente. Dum autem uerum argumentum est minus sex signis, linea medijs motus lineam ueri præcedit in signorum successione. Ideo tunc æquatio argumenti à medio motu subtrahitur. Sed dum plus sex signis fuerit, fit econuerso. Quare tunc coniungitur, ut uerus motus eueniat.

Schema



**S C H E M A L I N E A R V M**  
*motuum, & æquationum Lune.*



*Scholia.*

*Linea medij motus T. B. quæ & ueram. augem epi-  
 cycli signat in puncto D.*

*Medius motus arcus eclipticæ A. B.*

*Lunæ notula F.*

*Linea ueri motus. T. F. C.*

**C**

*Verus*

Verus motus arcus eclipticæ. A.C.

Aequatio centri arcus epicycli. D.E.

Argumentum medium arcus epicycli. E.F.

Argumentum uerum. D.E.F.

Aequatio argumenti arcus eclipticæ B.C.

Epicyclo ab auge cæntrici ad eius oppositum sol-  
uente, æquatio centri ad medium argumentū, ut inuent-  
atur uerum, addenda est. Sed ab opposito augis ad eā-  
dem centro epicycli gradiente, uidelicet dum centrum  
lunæ sex signis maius est, ut in partibus N. uel O. eadē  
tunc subduatur. Cæterū æquatio argumenti à medio  
motu subducitur, dum sex signis argumentum minus est:  
dum uerò maius, additur: hinc demum uerus locus lunæ  
elicitur.

Textus.

### DE DIVERSITATE DIAME- tri & minutis proportionalibus.

I.

Diuerſificāntur tamen æquationes eorundem argu-  
mentorum, centro epicycli ab auge deferentis ad oppo-  
situm euntæ. Continuè namque maiorantur secundum  
accessum centri epicycli ad centrum mundi. Vnde fit, ut  
æquationes singulorum argumentorum, quæ contingūt  
cetro epicycli in opposito augis cæntrici existēte, sint  
maiores singulis æquationibus argumentorū, quæ fiūt,  
dum centrum epicycli in auge cæntrici fuerit, relatiuas  
suis relatiuis comparando. Excessus autem harum super  
illas, diuersitates diametri circuli breuis nuncupantur.

II.

Linea

Linea uerò à centro mundi ad augm deferentis protracta, longior est linea ab eodem centro ad oppositum augis extenta. Ex assus autem illius super istam diuisus. 60. particulas æquales, minuta proportionalia diatur, & duplus est ad excentricitatem. Linea namque medijs motus lune, quæ dirigetur ad angẽ eccentrici, nullam de istis particulis extra peripheriam eccentrici tenet, sed omnes intra. Ea uerò quæ ad oppositum augis porrigitur, omnes habet extra, nullam autem intra. Sed quæ ad alia loca eccentrici protenduntur, aliquot de illis habent extra, tantoq; plures, quanto uianius centrum epicycli fuerit augis opposito, & tantò pauiores quãtò uicinius augi.

III.

Acquationes autem argumentorum, quæ scriptæ sunt in tabulis, sunt, quæ contingunt, dum centrum epicycli in auge deferentis fuerit.

IIII.

Sed illæ (ut dictum est) minores sunt eis, quæ centro epicycli alibi constituto fiunt. Cum igitur antrum epicycli alibi constituitur (quod fit, dum centrum lune est aliquid) per antrũ accipiuntur in tabula minuta proportionalia, & per argumentum uerum accipitur diuersitas diametri, quæ tota additur ad æquationem argumenti prius in tabula receptam, si minuta proportionalia. 60. fuerint. Sed si minus fuerint, non tota additur, sed aliqua eius portio talis, qualia sunt minuta proportionalia respectu. 60. & tunc proueniet æquatio argumenti uera, ad talem situm epicycli.

C ij

Scholia

Scholia in figuram appositam.

Sit arcus epicycli D.F.

Argumentum 8. signorum, ex quo in auge eæntriæ prodeat æquatio argumenti arcus ecliplicæ, B. C. 13. graduum, & in augis opposito arcus B. C. 15. gradus complectens. ipsarum utique æquationum differentia diuersitas diametri appellata, erit 2. graduum. Cum autem æquationes argumenti lunæ, quæ in tabulis scribuntur, omnium minimæ sint, quippe quæ in auge eæntrici fiunt, si centrum epicycli in opposito augis fuerit, ubi omnia minuta proportionalia puta 60. habet, tota diuersitas diametri æquationi in tabulis repertæ addenda est, ut habeatur uera æquatio. At ubi epicyclus circa mediam longitudinem constitutus minorum proportionalium medietatem, seu 30. habuerit, dimidium diuersitatis eidem æquationi adiungentes, æquationem uerā conflabimus, ut in exemplo sumpto in quo erat æquatio 13. graduum, & diuersitas diametri fuit. 2. graduum, quorum medietate scilicet uno gradu æquationi inæquate addito, æquatio uera prodibit 14. grad.

De

## DE DRACONE LVNAE.

## Textus.

Superficies eæntrici lunæ, ut dictum est, propter declinationem polorum orbium augem deferentium superficiem eclipticæ super diametro mundi interfecat. Vnde una eius pars uersus aquilonē, altera uersus Austrum, ab ecliptica declinabit. Illa igitur interseccio circumferentiæ eæntriæ Lunæ cum superficie eclipticæ, in qua cum centrū epicycli fuerit, uersus aquilonem incipit ire, caput draconis nūcupatur, Cauda uerò reliqua.

Mouetur autē hæ intersecciones quotidie ultra motū diurnū uersus occidentē tribus minutis ferè, uirtute motus orbis aggregatū triū aliorū orbū lunæ ambientis.


Medius itaque motus capitis draconis lunæ, est arcus zodiaci à principio arietis cōtra successionē signorum usque ad lineam à centro mundi per sectionem capitis protractam numeratus.

Verus autem motus capitis est arcus zodiaci ab arietis initio ad iam dictam lineam secundum successionē signorum computatus.

Similiter dici potest de cauda.

Ex his manifestum est, q̄ subtracto medio motu capitis à duodecim signis, uerus eius motus remanet. Vnde commune dictum dicēs, caput Lunæ tātū medio motu ire contra firmamentum, quantum in ueritate uadat cum firmamento, ita intelligitur, medius motus capitis Lunæ contra successionem signorum in eum punctum protēditur, in quem uerus secundum successionem signorum.

THEORICA  
THEORICA CAPITIS ET  
caudæ draconis & arcuum.



Scholia.

Ecliptica A.B.C.E.

Eccentricus seu via lunæ L.M.N.

Aequans lunæ G.H.K.

Caput draconis N.

Cauda draconis H.

Venter draconis Septentrionalis L. Austrini M.

Prin-

*Principium arietis A.*

*Arcus medij motus capitis draconis contra signorum seriem. A. E.*

*Arcus veri motus eiusdem iuxta ordinem signorum A.B.C.E.*

## DE TRIBVS SUPERIORIBVS.

### PRIMA PARS DE NUMERO orbium.

*Textus.*

Quilibet trium superiorum tres orbis habet à se diuisos secundum imaginationem trium orbium solis. In orbe tamē medio, qui cœntricus simpliciter existit, quilibet habet epicyclum, in quo, sicut in luna tactum est, corpus planetæ figitur.

### SECUNDA PARS DE MOTIBUS periodicis, axibus, & polis.

I. De motu deferentium augem cœntrici.

Orbes autem auges deferentes, uirtute motus octauæ sphaeræ super axe, & polis eclipticæ mouentur.


II. De motu deferentis epicyclum.

Sed orbis epicyclum deferens super axe suo axem zodiaci secante secundum suæssionem signorum mouetur, & poli eius distant à polis zodiaci distantia non equali.

Theo-

C iij

THEORICA  
 THEORICA ORBIVM  
 & centrorum trium superio-  
 rum, & Veneris.



Scholia.

Centrum mundi D.

Eccentria deferentis C.

Aequantis H.

Circonfrentia eccentrica deferentis B, F, G.

Aequantis circonfrentia K, F, L.

Epicu,



Epicyclus in B. circa cuius centrum planeta intra ipsum epicyclum infixus mouetur, secundum signorum consequentiam per superiorem epicycli partem, per inferiorem contra.

Textus.

CORRELARIA SEV  
appendices.

Quare fit ut auges eorum eccentricorum nunquam eclipticam pertranseant, sed semper ab ea uersus aquilonem & opposita uersus austrum maneant, ita ut auges, scilicet deferentium epicyclos, similiter opposita, atque centra & poli deferentium eccentricorum, circumferentias, superficiei eclipticæ (uirtute motus octauæ sphaeræ) describant æquidistantes.

Vnde etiam in illis superficies eccentricorum à superficie eclipticæ inæqualiter secabuntur, atque maiores portiones uersus augem, minores uersus oppositum relinquuntur.

Theorica



rentiæ raptu motus deferentiũ augem descriptæ equi-  
distantis eclipticæ.

Textus.

## DE IRREGVLARI MOTV

deferentis epicyclum.

Motus autem epicyclum deferentis super centro & polis suis difformis est. Hæc tamen difformitas hanc regularitatis habet normam, ut æntrum epicycli super quodâ puncto in lineæ augis tantum à æntro huius orbis, quantum hoc æntrum à æntro mundi distat elongato regulariter moueatur. Vnde & punctus ille æntrum equatis dicitur, & arcus super eo ad quantitatem deferentis secum in eadē superficie imaginatus eæntricus æquans appellatur.

Necessariò igitur oppositum ei, quod in luna fiebat accidit in istis, ut scilicet æntrum epicycli quãtò uicinius augi deferentis fuerit, tantò tardius: quãtò uerò propinquius opposito, tantò uelocius moueatur.

## III.

### DE MOTV PERIODICO epicycli.

Epicyclus uerò duos habet motus, quorum unus est in longitudinem, alter in latitudinem. De secundo diandũ erit postea. Motus autem eius in longitudinem est, quo mouetur arcus æntrũ suum corpus planctæ sibi in-  
fixum


*infixum in parte superiori secundum successione[m], in inferiori e contra deferendo. Vnde per oppositam in hoc se habet epicyclo lune. Axis huius motus transversaliter super circumferentia iacet, axi eclipticæ æquidistans quandoque, quandoque non, ut patebit.*

DE IRREGVLARI  
motu epicyclorum.

*Et est super centro epicycli irregularis. Hæc tamen irregularitas hanc habet regulã, ut a puncto augis epicycli mediæ, quicumque sit, corpus planetæ regulariter elongetur. Similiter igitur in his sicut in Luna sequi necesse est, ut continuè aux media epicycli simul & uera uariantur, atque uelociorem esse motum reuolutionis epicycli super centro suo per medietatem deferentis superiore[m], tardio rem autem per inferiore[m].*

Schema

SCHEMA TRIVM PVNCTO-  
rum, & irregularis motus epicycli.



## Scholia.

Tres literæ V.P.M. augem mediam epicycli, augem  
ueram, & punctum sub quo iunguntur notant. Sed li-  
nea mediæ augis à centro equantis ducitur.

Epicycli lunæ, & suarum augum motibus perspe-  
ctis, motuum epicyclorum saturni, louis & Martis, ue-  
locitas

loatas uel tarditas primo intuitu patebunt, ordine motus mutato, quandoquidem per supernam partem epicycli signorum consequentiam planeta superiores sequuntur.

Textus.

DE PROPORTIONE QVAM

gerit motus epicyclorum ad motum

solis, ex qua colligitur

periodicam

tempus.

Habet autem epicycli reuolutio mensuram illam, ut semel præse in tanto tempore, quantum est à media coniunctione Solis & istius planetae ad proximam sequentem reuoluatur, ita ut in omni coniunctione media tale antrum corporis planetae sit in auge media epicycli. Vnde & in omni oppositione tali media fiet in opposito augis epicycli.

Fit igitur, ut semper centrum corporis planetae tot gradibus & minutis distet ab auge media epicycli, quot linea medij motus solis distat à linea medij motus planetae. Ergo subtracto medio motu planetae de medio motu solis ne assè est, ut argumentum medium planetae remaneat.

2 Hinc uidetur accidere, ut quanto antrum epicycli planetae tardius arcuit, tanto epicyclus eius uelocius reuoluatur. Nam propter tarditatem talem coniunctio media motus solis cum eo citius reuertitur.

3 Medius etiam motus cuiuscunq; trium horum aggregatus

gregatus motui eius in suo epicyclo equalis medio motui solis in gradibus & minutis existit.

## TERTIA PARS, EXPOSITIO

uocabulorum, quæ in tribus superioribus & duob. inferiorib. planetis usum habet.

Aux autem media epicycli per lineam à centro equantis per centrum epicycli protracta ostenditur.

Sed aux uera per lineam à centro mundi per centrum epicycli. Inter has secundum longitudinem zodiaci nihil mediat, cum centrum epicycli in auge deferentis uel opposito fuerit. Maxime uero differunt, cum fuerit prope longitudes medias deferentis, quæ per lineam à centro eccentrici deferentis super lineam augis orthogonaliter ductam determinantur.

Aux planetæ in secunda significatione est arcus zodiaci ab ariete usque ad lineam augis.

Linea medij motus planetæ uel epicycli est, quæ à centro mundi ad zodiacum protrahitur, lineæ exeunti à centro equantis ad centrum epicycli æquidistans.

Linea ueri motus uel epicycli est, quæ exit à centro mundi per centrum epicycli ad zodiacum.

Linea ueri loci uel motus planetæ est, quæ à centro mundi per centrum corporis planetæ ad zodiacum protrahitur.

Medius motus planetæ uel epicycli est, arcus zodiaci ab initio arietis secundum successionem, usque ad lineam medij motus planetæ.

VERVM

*Verus autem motus epicycli usque ad lineam ueri motus epicycli. sed uerus motus planetæ, usque ad lineam ueri motus planetæ computatur.*


*Centrum medium planetæ est arcus zodiaci, à linea augis ad lineam mediij motus epicycli.*

*Centrum uerum aut æquatum à linea augis usque ad lineam ueri motus epicycli numeratur.*

*Æquatio centri in zodiaco, est arcus zodiaci inter lineam mediij motus epicycli, & lineam ueri motus eiusdem. Hæc nulla est centro epicycli in auge deferētis, uel opposito existente, maxima uerò dum in longitudinib. mediis fuerit. Cùm autem cētrum medium minus est sex signis, ipsum maius est uero. Similiter medius motus planetæ, maior est uero motu epicycli. Quare tunc subtrahitur æquatio centri in zodiaco à centro medio, & etiā à medio motu epicycli, ut centrum uerum, & uerus motus epicycli remaneat. Oppositum uerò contingit, dum centrum medium plus sex signis fuerit.*

*Decla-*



DECLARATIO PRAECEDEN-  
tium uocabulorum, & regule practicae.

Scholla.

A. principium Arietis.

Aux in secunda significatione arcus A.B.

Centra epicycli in F. Linea D.O. linea medij motus  
planetae & epicycli. Linea ueri motus epicycli D.F.E.

Medius motus planetae &amp; epicycli A.B.E.O.

Verus motus epicycli A.B.E.

Centrum medium B.E.O.

Verum B.E.


Aequatlo centri in zodiaco E.O. in prima ab auge  
medietate subtrahenda, in secunda uero addenda prout

D in

in figura liquidò patet.

Textus.

Aequatio centri in epicyclo, est arcus epicycli auge[m] mediam & ueram eius interiacens. Hæc similiter nulla est, dum centrum epicycli in auge deferentis uel opposito fuerit, maxima autem in longitudine deferentis media. Qualis uerò est proportio equationis centri in zodiaco ad totum zodiacum, ea est equationis centri in epicyclo ad totum epicyclum, eò quod propter lineas equidistantes angulus unius æquatur angulo alterius. Igitur unâ eadē in tabulis accepta, habetur & reliqua.



Scholia.

Aequatio centri in epicyclo arcus epicycli P.N. similis

milis arcui eclipticæ N.G.

Textus.

Dum autem æquatio centri in zodiaco à centro medio minuitur, ut uerum habeatur, æquatio centri in epicyclo argumento medio pro uero habendo iungitur, & econuerso, quando hæc adiungitur, altera subtrahitur. Alternatim enim pariter sese excedunt atque exceduntur.


Argumentum medium planetæ est arcus epicycli ab auge media secundum motum eius, ad centrum corporis planetæ numeratus.

Argumentum autem uerum ab auge uera computatur.

Æquatio argumenti est arcus zodiaci lineas ueri loci planetæ, & ueri loci epicycli interiacens. Hæc sicut in luna nulla est, dum centrum corporis planetæ in auge uera epicycli uel opposito fuerit. Maxima uero dum corpus planetæ fuerit in linea à centro mundi ad circūferentiam epicycli contingentereducta, centro epicycli in opposito augis deferentis existente. Cum uero argumentum æquatum minus est sex signis, linea ueri motus planetæ, lineam ueri motus epicycli præcedit. Ideo tunc æquatio argumenti ad uerum motum epicycli iungitur, ut uerus motus epicycli eueniat, econuerso contingit, dum plus sex signis fuerit.

D ij

Consti-



## Scholia.

Constituto planeta in F. & uero argumento F. sex signis minore: æquatio argumenti semper additur ad uerum motum epicycli, ut uerus motus planetæ proueniat. At cum idem planeta in secunda epicycli medietate, ut in puncto G. fuerit, æquatio erit demenda.

Theorica



Aux in secunda significatione A.N.

Medius motus planetæ & epi.A.L.

Centrum medium planetæ N.L.

Acquatio centri in zodia.R.L.

A medio centro hac æquatione ablata, remanet centrum uerum arcus N.R.

Medium argu.P.I.F.

Acquatio argumenti O.P. qua arg. medio addita prædabit O.P.I.F. uerum argumentum, ex quo cognoscitur argumenti æquatio, R.M. qua æquatione centri R.L. coniuncta producit arcus M.L. æquatio tertio examinata, quam à medio motu A.L. demendo, relinquitur, tandem arcus eclipticæ A.M. qui est uerus motus planetæ ab Ariete primi mobilis supputatus.

Textus.

Accidit autem æquationes argumenti in istis, sicut in luna propter accessum centri epicycli, ad centrū mundi diuersificari. Vnde maiores sunt æquationes singulorū argumentorum centro epicycli existente in opposito auge deferentis, quam eo existente in longitudinib. medijs eiusdem, illic etiam maiores quam eo existente in auge deferentis, relatiuas semper suis relatiuis comparando. Excessus igitur æquationum argumentorū, quæ fiunt centro epicycli existente in longitudine media deferentis, super æquationes contingentes, dū in auge fuerit, diuersitates diametri longiores siue ad longitudinē longiorē appellantur. Sed excessus earū, quæ fiunt centro epicycli


eli existente in opposito augis constituto super contingentes in longitudine media, diuersitates diametri propiores, siue ad longitudinem propiorem nuncupantur.

Qua uerò linea à centro mundi ad augem deferentis proensa longior est, quàm linea ab eodem cetro ad longitudinem mediam deferentiseducta. Excessus autem istius super istam in sexaginta particulas æquales diuisus, minuta proportionalia longiora, siue ad longitudinem longiorem dicitur. Linea itaque ueri motus epicycli, dum in auge deferentis fuerit, habet omnes eas intra deferentis peripheriam. Sed in media longitudine nullã intra, omnes tamen extra. In locis autẽ intermedijs aliquot intra, & aliquot extra, & tantò plures intra, quãtò fuerit centrum epicycli deferentis augi uicinius. Similiter linea à centro mudi ad longitudinem deferentis median extensa longior est, quàm linea, quæ ab eodem cetro ad oppositum augis deferentis ducitur. Excessus autem huius super illam in sexaginta partes diuisus, minuta proportionalia ad longitudinem propiorem siue propiora uocantur. Linea itaque ueri motus epicycli dum in longitudine media fuerit, nullam earum habet extra deferentis peripheriam, sed in augis opposito omnes. In locis autem intermedijs tãtò plures extra, quãtò centrum epicycli augis opposito fuerit propinquius.

D iij

Schema

SCHEMA MINVTORVM PRO-  
portionalium, & diuersitatis diametri trium  
superiõrum & Veneris.



Scholia.

Linea D.B. exædit lineam D. L. longitudine L.R.  
huius lineæ L.R. in 60. partes æquas diuise 60. minu-  
ta proportionalia longiora præstant diuisiones.

Similiter



Similiter linea D.L. lineam D.G. excedit. linea L.R. autem partes sexagesimæ propiora minuta proportionalia efficiunt.

Acuationes argumentorum in tabulis Alfonsi reperiuntur, quæ fiunt centro epicycli in puncto L. constituto. Ac ipse quidem mediæ sunt inter maximas, quæ in opposito augis eccentrici fiunt, et minimas dum epicyc. in auge est. Vt igitur hic habentur longiora ac propiora minuta proportionalia, sic longiorem ac propiorem diuersitates diametri comperies.

Cum itaque in parte superiori deferentis saliet in arcu L.B.E.K. centrum epicyc. fuerit, erunt diuersitas diametri, et minuta proportionalia longiora. Hinc iuxta minorum portionem diuersitatis diametri certa portio ab æquatione argumenti demenda est, ut pro situ epicyc. uera fiat æquatio. At dum centrū epicycli per arcum K.I.G.L. mouetur, minuta proportionalia et diuersitas diametri propiora sunt, quæ propter pro minorum proportionalium ad 60. proportionem certa diuersitatis portio (uel diuersitas integra si minuta proportionalis sexaginta fuerit) æquationi in tabulis reperiendæ additur, ex quibus æquatio æquata generatur.

#### Textus.

Acuationes autem argumentorum, quæ scribuntur in tabulis, contingunt centro epicycli in longitudine deferentis mediæ, constituto. Sed hæc ut dictum est, maiores sunt ijs, quæ fiunt dum in auge fuerit, minores uero alijs in augis opposito contingentibus.

Cum

Cum igitur antrum epicycli extra longitudinem mediam deferentis fuerit, per centrum uerū cognoscantur minuta proportionalia, & per argumentum uerum accipitur diuersitas diametri, longior quidem, si minuta proportionalia sint longiora: propior autem, si propiora. Cuius diuersitatis pars proportionalis secundū proportionem minorum proportionalium ad sexaginta, cum equatione argumenti in tabula reperta addenda est, uel ab ea minuenda. Addenda quidem, si diuersitas propior fuerit, minuenda uerò, si longior, & promouet æquatio argumenti uera & æquata ad talem suū centri epicycli.

#### DE VENBRE.

Venus tres habet orbes cum epicyclo, quo ad situm atque motum in longitudinem, ut aliquis superiorum, dispositos. Orbes nanque auge deferentes super axe zodiaci secundum motum octauæ spheræ mouentur, ita tamen, ut aux eæcentrici eius sub eo loco zodiaci sit semper, sub quo aux eæcentrici solis. Vnde habita auge solis in secunda significatione, habetur & aux Veneris eadem.

#### DE HARMONIA MOTVVM

Solis & Veneris.

Orbis autem epicyclum deferens, duos habet motus: Vñ, quo proædit in longitudinem uersus orientem, regulariter super cetro æquantis, ut in superioribus, ita  
tamen,

tamen, ut in eo tempore reuolutionem unam centrum epicycli faciat, quo præcisè orbis solem deferens unam. Habet se nanque Venus ad solem in hoc, ut linea mediij motus eius in eo loco zodiaci secundum longitudinem, in quo line. mediij motus solis terminetur. Vnde habito medio motu solis, habetur & medius Veneris. Semper igitur est media eorum coniunctio.

Fit autem motus huius deferentis in longitudinem super axe eius imaginario, cuius poli accedunt & recedunt à polis zodiaci in utranque partem propter motum alium eccentrici in latitudinem, de quo post dicendum erit. Quare nō accidit ei, quod superioribus, ut aux eccentrici eclipticam non transeat, uerū quandoq; ad meridicm, quandoque ad septentrionem declinat, ut patebit.

## DE MOTV ET TEMPORE periodico epicycli.


Sed epicyclus eius motu duplici mouetur, scilicet in longum & in latum. In longitudinem quidem sicut epicycli superiorum. Semper tamen in decemnouem mensibus solarib. ferè semel reuoluitur. Vnde solem in hoc, sicut superiores, non respicit.

## DE VOCABVLIS ARCVVM & linearum.

Terminorum expositiones per omnia sunt hic, sicut in tribus superioribus.

Theoria

THEORICA  
THEORICA ORBIVM  
solis & Veneris.



Scholia.

Linea axis Solis & Veneris D.A.

Linea medij motus Solis Veneris & Mercurij D.E.

Linea veri motus Veneris D.F.

Centrum mundi deferentis & equantis ut in superioribus ordine.

Textus.

## Textus.

## PRIMA ET SECUNDA PARS

de orbibus & motibus eorum  
periodicis.

I. Ac primùm de deferentibus  
apogion æquantis.

Mercurius habet orbes quinque & epicyclum, quorum extremi duo sunt eccentrici secundum quid. Superficies nanque conuexa supremi & concaua infimi mundo concentricæ sunt, concaua autem supremi & conuexa infimi eccentricæ mundo, sibiipsis tamen concentricæ. Epicyclum earum tantum à centro æquantis, quantum centrum æquantis à centro mundi distat. Et ipsum est centrum parui circuli, quem centrum deferentis, ut uidebitur, describit. Vocantur autem deferentes augem æquantis, & mouentur ad motum octauæ sphaeræ super axe zodiaci.

2. De deferentibus augem eccentrici.

Inter hos extremos sunt alij duo similiter difformis similitudinis intra se quintum orbem, scilicet epicyclum deferentem, locantes. Superficies nanque conuexa superioris & concaua inferioris idem cum paruo circulo centrum habent. Sed concaua superioris & conuexa inferioris una cum utrisque superficiibus quinti orbis aliud centrum habent mobile, quod centrum deferentis dicitur.

Hi duo orbes augem eccentrici deferentes uocantur, & mouentur regulariter super centro parui circuli contra

tra successione signorum tali uelocitate, ut præcisè in tempore, quo linea medijs motus solis unam faciat reuolutionem, & orbes isti in partem oppositã similiter unã perficiant. Et fit motus iste super axe quandoq; æquidistanti axi zodiaci, & per centrũ parui circuli trãseunt.

Motum autem horum orbium sequitur, ut centrũ orbis deferentis epicyclum circumsferentiam quandã parui circuli similiter in tãto tempore regulariter describat. Huius uerò semidiameter est tanta, quanta est distãtia, qua centrum æquantis à centro mundi distat. Vnde hæc circumsferentia per centrum æquantis ibit.

### III. De deferente epicyclum.

Sed orbis quintus epicyclum deferens, intra duos secundos locatus mouetur in longitudinem secundũ successione signorum antrum epicycli deferendo regulariter super centro æquantis, quod quidem in medio est inter centrum mundi, & antrum parui circuli.

Scholla in appositam figuram.

Centrum mundi C. Centrum æquantis D.

Centrũ parui circuli E. Centrum deferentis F.

Hic sũt quatuor orbes diffformes, quorũ extremi saliat minimus & maximus deferẽtes augẽ æquantis dicũtur.

Duo diffformes medijs deferentes augem ecentricã.

Deferentis ecentricã circumsferentia S.O.K.

Æquantis autẽ N.O.R. Epicyclus orbialis T.

Axis deferentiũ augem æquantis, qui pars est axis eclipticæ octauæ spheræ L.C.M.

Axis


# MERCVRII.

63

Axis deferentium augem eccentrici Q.E.P.

Axis deferentis epicyclum O.F.R.

## THEORICA CENTRORVM orbium, & axium Mercurij.



### Textus.

Hanc tamen habet uelocitatē, ut centrū epicycli in eo tempore semel reuoluatur, in quo linea medij motus solis unam complet reuolutionem. Habet se nāque Mercurius in hoc ad solem, ut Venus, sit enim semper, ut medius  
moius

*motus solis sit etiam medius motus horum duorum.*

Ex his igitur & dictis superius manifestū est, singulos sex planetas in motibus eorum aliquid cum sole communicare, motumq; illius quasi commune speculum & naturæ regulam esse motibus illorum.

Huius autem orbis epicyclum deferentis motus fit super axe imaginario, cuius extremitates (sicut apparuit in Venere) propter motum alium in latitudinem similiter accedunt ad polos zodiaci, & ab eis recedunt. Axis autem iste secundum se totum mobilis est secundū motum centri deferentis in paruo circulo.

*Collatio Mercurij cum Luna.*

Patet itaq; sicut in luna centrū epicycli bis in mense lunari deferentes auge eccentrici pertrāsīt, ita in Mercurio centrū epicycli bis in anno deferentes auge epicyclū deferentis peragrarē. Non tamen est in auge deferentis, nisi semel. Aux enim deferentis Mercurij nō circulariter mouetur circulares reuolutiones cōplendo, sicut in luna cōtingit, sed propter motū centrū deferentis in paruo circulo, nūc secundū succēssionē signorū, nūc cōtra proædit. Habet namq; limites certos, quos egredi ab auge æquantis recedendo nō ualet, sed continuē sub arcu zodiaci à duabus lineis circuli parū cōtingentibus à centro mundi ad zodiacū ductus cōpræhēso, ascendendo & descendendo uoluitur atq; reuoluitur.

*De puncto F.*

Quotiescunq; enim centrum epicycli fuerit in auge deferentis, ipsum etiam motuum similitudine erit in au-



ge æquantis, & centrū deferentis in auge sui parui circuli. Quia tunc æntrum epicycli in maxima remotione à centro mundi fiet, & centrū deferentis in duplo plus distabit à centro æquantis, q̃ centrū æquantis à centro mundi.

Schollia in figuram appositam.

Centrum mundi C. æquantis D. parui circuli E. deferētis in maxima à centro n. ūdi remotione punctū F.

Paruus circulus quem centrū deferentis raptu deferentium augem excentrici deferentis contra signorum ordinem quotannis describit signis 12. distinctus, & literis signatus F. R. P. V. D. A. O. E.

Augis æquantis linea. C. D. A.

Linea augis deferentis, epicyclo in auge constituto D. N.

Quatuor porro reuolutiones reperiuntur æquales, hoc est temporibus æquis peractæ circa orbes Mercurij, utpote reuolutio deferentiū augem deferentis epicyclum, reuolutio centri epic. ad motum deferentis iuxta circumsferentiam oualem circumsolutio centri deferentis in paruo circulo. F. R. P. ac reuolutio accessus & recessus augis deferentis. Siquidem quodocunque centrum epicycli per augem trāsit, utraq; aux est sub eodē puncto & deferentis centrum in auge sui parui circuli F. Mox uerò ex auge epicyclo soluente ac quatuor ferme mensib. ad K. sensim accedente deferentis excentrici augem deferentes contra signorum ordinem, pariq; uelo-

E atate

itate quatuor signis ab auge equantis recedūt, ac deferentis centrū ad punctum P. delucunt. Cuius motū imitatur quodammodo linea augis deferentis usque ad G. recedens ex N. & eius oppositum in L. ex Q. duobus dein mensibus ex H. ad B. epicyclus perueniet itidē ex pūcto P. duobus signis centro deferentis progressu accedet ad centrū equantis utraq; auge unā iunctis. Præterea ex B. ad K. epicyclo trāsato, ac (ut in H. fuerat) terris uidiſſimo centrū deferentis erit iam in puncto. O. auge ad primū maximum uersus ortum ab auge equantis recessum perducta. Hinc quatuor mensibus exactis quæuis harum reuolutionum concludetur epicyclo ad utranque augem reuerso, & deferentis cetro ad notam F. restituto tum augibus, tum eorum oppositis in eadem linea compositis: ac recurrentibus annis reuolutiones usque similes referentur.

### Textus.

#### DE ARCV. F. P. ET PVN- cto contactus occidentali P.

Deinde uerò cū antrum deferentis per motum orbium duorum secundorum mouebitur ab auge suæ arculi uersus occidentem, antrum epicycli per motum deferentis mouebitur ab auge equantis tantundem uersus orientem. Vnde antrum deferentis ad centrum mundi inapit accedere, & aux deferentis ab auge equantis

quantis uersus occidentem reatit continuè, donec centrum deferentis fuerit in linea contingente arcum occidentali. Id autē sit, cū ab auge parui circuli quatuor signis disiterit, & tunc similiter antrū epicly. ab auge æquantis uersus orientem distabit, quatuor signis. Aux autem deferentis erit in maxima sua ab æquantis auge uersus occidentem remotione. Atque in hoc situ centrū epicycli fiet in maxima sua, quam solet habere ad antrum mundi, acfione, non tamen tunc erit in opposito augis deferentis, nec in linea ad paruum circulum contingenter per centrum mundi producta.

## DE SECUNDO ARCV

P. D. & puncto tertio D.

Post enim descendente centro deferentis uersus centrum æquantis, aux deferentis inapit reatcedere uersus auge æquantis. Centrum autem epicycli proportionaliter descendet in altera medietate uersus oppositum augis æquantis. Vnde magis remouebitur à centro mundi, nec perueniet ad oppositum augis deferentis, nisi cum ipsum fuerit in opposito augis æquantis. Id autem fiet, cum centrum deferentis perueniet in antrum æquantis, & tunc aux deferentis erit etiam cum auge æquantis, & tam deferens, quàm æquans (ex quo æquales in quantitate constituuntur) erunt circulus unus, & plus distabit à centro mundi centrum epicycli tunc, quàm distabat, cum erat in situ ab auge æquantis per signa quatuor.

E ij

DE

DE TERTIO ARCV. D.O. ET  
puncto contactus orientali. O.

Hinc autem cùm centrum deferentis reuertet, à centro æquantis in suo circulo ascendendo, centrum epicycli recedet ab opposito augis æquantis & deferentis. Et continuè magis centro mûdi propinquabit. Sed aux deferentis remouebitur ab auge æquantis uersus orientem continuè, donec perueniet centrum deferentis ad lineam contingẽtem circulum paruum à parte orientis, qui punctus contactus etiam ab auge parui circuli uersus orientem quatuor signis distat. Tunc enim aux deferentis fiet in maxima remotione ab æquantis auge uersus orientem, & centrum epicycli iterum erit in maxima eius ad terram acensione, quam habere solet. Non tamen erit in opposito augis deferentis.

VLTIMVS ARCVS O. F. ITERUM  
cum puncto F.

Ab hoc uero loco ascendente centro deferentis uersus augem parui circuli, aux deferentis continuè reuertetur ad augem æquantis, & centrum epic. magis elongabitur à centro mundi uersus augem æquantis ascendendo, usque dum centrum deferentis ad augem parui circuli perueniet. Nam tunc aux deferentis erit cùm auge æquantis, & centrum epicycli similiter tam in auge deferentis, quàm æquantis. Vnde iterum erit in maxima remotione à cẽtro mundi, sicut primo. Rursusq; de-  
inde


*inde similis, ut iam dicta est, mutatio redibit.*

**SUBIUNGIT IAM VELUT E-**  
*pilogum sex correlaria, quib. superiorem pro-*  
*positionem, adeoq; collationem Mercurij*  
*cum Luna, imò cum reliquis item*  
*planetis, clarius exponit.*

1. Ex his primò uidetur in anno tātū semel cen-  
 trum deferentis esse idem cum centro *aquantis*, aliās au-  
 tem semper deferentis centrū à centro mundi distantius  
 esse, quàm *aquantis* centrum. Quare sequitur contrariū  
 et, quod in superiorib. & Venere accidit, ut saliet quā-  
 tō centrum epicycli uicinius augi *aquantis* fuerit, tantō  
 uelocius, & quantō uicinius eius opposito, tātō tardius  
 moueatur.

E ij

Scholia



## Scholia.

Signatis equalibus equantis arcubus, altero uidelicet ad augem, & ad eius oppositum, altero, cum deferentis arcubus prædictis respondentibus, hos in eccentrico signatos cõperies inæquales, utpote N. M. maiorem A. B. hos tamen temporum æquis spatijs epicyclus pertransit.

## Textus.

II. Secundo, licet æntrum epicycli tantum semel in maxima remotione fuerit in anno à æntro mundi, his tamen in maxima propinquatione, quam habere solet, ipsum esse contingit. Similiter quanquàm bis in anno sit in maxima accensione, tamen tantum semel in anno in opposito augis deferentis reperitur.

III. Ter-

III. Tertio, neesse est, ut oppositum augis deferētis centro epicycli extra auge[m] equantis, aut oppositum eius existent[is], inter centrum epicycli, et oppositū augis equantis semper uersetur, aliquando quidē uersus centrum epicycli, aliquando ab eo, tam præcedendo, quàm sequendo sese deuoluens.

IIII. Quarto, sicut aux deferentis ad artos limites utrinque ab auge equantis remouetur, ita etiam se habet oppositum augis deferentis respectu oppositi augis equantis. Maior tamen est arcus huiusmodi motus augis deferentis, quàm arcus motus oppositi eius. Vnde motus unius motu alterius uelocior erit.

V. Quinto, et si centrum epicycli contingat esse in puncto deferentis à centro mundi remotissimo, nunq̃ tamen est in pūcto deferentis, quem centrū mundi uianissimum esse contingit. Nam dum centrū epicycli fuerit in auge deferentis, talis est habitudo deferentis, ut oppositum augis eius sit centro mundi ita uicinum, q̃ in quacunque alia deferentis, quam habet, habitudine nullus punctus eius uianior, aut tam uicinus centro mundi reperitur. In tali autem puncto, quem uianissimū esse cōtingit, centrum epicycli non est eo tempore, quo propinquissimum eum esse contingit, sed in eius opposito.

VI. Sexto, ex dictis apparet manifestè, centrum epicycli Mercurij propter motus supra dictos, non ut in alijs planetis sit, circumsferentiam deferentis areolarem, sed potius figuræ habentis similitudinem cum plana ovali peripheriam describere.

### IIII. DE MOTV AC periodo epicycli.

Epicyclus uerò in longitudinem mouetur sicut epicyclus Veneris, reuolutionem tamen unam in quatuor mensib. solarib. ferè super æntro suo perficit.

### TERTIA PARS DE VOCABULIS linearum & arcuum.

Termini autem tabularum hic, sicut in superioribus declarantur, nisi quòd diuersitas in minutis proportionalib. aliqualis existit.

Aequationes enim argumentorum Mercurij, quæ in tabulis scribuntur sunt, quæ contingunt, dum æntrum epicycli fuerit in mediocri eius à terra remotione. Hoc autem accidit centro epicycli ab auge æquãtis per duo signa quatuor gradus, & triginta minuta distante. Sed in alijs planetis centro epicycli in lōgtudine media deferētis existente fiebat. Item minima cētri epicycli Mercurij à centro mundi remōtio fit, dum æntrum epicycli ab auge æquantis eius quatuor signis distiterit. Hæc autem in alijs æntro epicycli in opposito augis æquãtis existente contingebat.

### DE MINVTIS PROPOR- tionalib. & diuersitate diametri.


Minuta igitur proportionalia longiora sunt ex æssu  
remo-



remotionis centri epicycli maxime super mediocrem  
eius remotionem, in sexaginta partes equales diuisus.  
Sed minuta proportionalia propiora dicuntur ex æssus  
remotionis centri epicycli mediocris super remotionē  
eius minimam, similiter in sexaginta particulas equa-  
les diuisus. Et secundum hoc duplex diuersitas diametri  
definiatur. Quia tamen à loco maxime accēssionis cen-  
tri epicycli uersus oppositum augis æquantis minuta  
proportionalia propiora minuuntur, quæ prius à loco  
mediocris remotionis usque ad locum maxime accēssio-  
nis continuè augebantur, ideo dicitur in Mercurio mi-  
nuta proportionalia tripliater se habere, quæ tamen in  
Venere atque tribus superiorib. dupliater, in luna uerò  
simpliciater, ut manifestè patuit, se habere solent.

S C H E M A

THEORICA  
SCHEMA MINVTORVM  
*proportionalium Mercurij.*



Scholia.

Minuta proportionalia quannis hic triplicia sint, ad  
longiora

longiora tamen & propiora reducuntur, quorum & diuersitatum diametri usus hic perinde se habet, ut in tribus superioribus dictum est.

## SECUNDA PARS LIBELLI.


### DE PASSIONIBVS planetarum diuersis.

#### PRIMUM GENVS PASSIO- num seu accidentium, quorum causa in- telligitur collatione eccentrici & epicycli.

Planeta dicitur directus, quando linea ueri motus eius secundum suæßionem signorum progreditur: Retrogradus autem contra. Stationarius uero dum hæc linea stare uidetur.

#### SCHEMA

SCHEMA PROGRESSVVM  
stationum & regressuum.



Scholia.

Ecliptica extimus circulus & maximus.

Planetae motui per superiorem partem epicycli saliat ex F. per B. ad D. respondet arcus eclipticae G. C. E. At per inferiorem similem arcum in ecliptica describit, sed contra seriem signorum. Ceterum planeta stationarius est, quando

quando per inferiorem partem epic. contra signorum ordinem in eclipsia tantum fertur, quantum iuxta signorum sequelam epic. antrum transit. Verum si planeta contra ordinem signorum maiorem motum habeat quam sit motus epicycli, planeta est retrogradus. In hac itaque figura M.B.L. est arcus directionis, reliquum uero ut arcus L.H.M. regressionis arcus est.

Puncta stationum sunt primæ.L.Secundæ.M. quas in prima significationes author uocat.

Statio prima in secunda significatione arcus B.L.

Statio secunda in secunda significatione arcus.B.L.M.

Textus.

Statio prima in prima significatione, est punctus epicycli, in quo dum fuerit planeta, incipit retrogradari.

Statio secunda in prima significatione est punctus epicycli, in quo dum fuerit planeta incipit dirigi.

Hæ uero stationes existente antro epicycli in eodẽ situ deferentis utrinque ab opposito augis ueræ epicycli æquidistant.

Statio prima in secunda significatione est arcus epicycli augem ueram epicycli, et punctum stationis primæ interiacens.


Statio secunda in secunda significatione est arcus epicycli ab auge uera per oppositum usque ad punctum stationis secundæ.

Arcus directionis est arcus epicycli à statione secunda per augem usque ad stationem primam in prima significatione.

gnificatione.

Arcus autem retrogradationis est arcus epleycli à puncto stationis primæ per oppositum augis ad punctum stationis secundæ.

Hi uerò arcus maiorantur propter prædictorum punctorum uariationem. Quantò enim æntrum epleycli uicinius fuerit opposito augis æquantis, tantò puncta stationum uianiora sunt opposito ueræ augis epleycli. Hoc idem tantò magis euenit, quantò planeta maiorem epleyclum & motum argumenti tardiozem habet.



Vnde

Vnde & tempora directionum aut retrogradationū in quantitatibus suis variantur.

Exit enim tempus tale, cum arcus eius per motum argumenti in uno die diuiditur.

Ex dictis sequitur, si statio prima subtrahitur à toto circulo, remanet statio secunda, sed subtracta statione prima à secunda, arcus retrogradationis habebitur, qui de toto circulo demitur, manet arcus directionis.

Luna tamen quanquam epicyclum habeat, sicut alij quinque statio siue retrogradatio non accedit propter uelocitatē motus centri epicycli eius. Sēper enim antrum epicycli maiorem arcum zodiaci, quolibet die secundum suāssionem describit, quā sit arcus zodiaci correspondens arcui epicycli, quem antrū corporis Lune quocunque die contra suāssionem in superiori parte epicycli perambulat. Veruntamen eam, dū in superiori medietate epicycli fuerit tardam, in inferiori uelocem cursu fieri neāsse est.

Tardi dicuntur Planete & minuti cursu, cum linea ueri motus eorum tardius, quā linea medij motus, aut contra suāssionem incedit.

Veloci & eō & aucti cursu, quando uelocius secundum suāssionem mouentur.

Aucti numero, quando æquatio additur super medium motum, Minuti uerō, quando minuitur.

Aucti lumine, cum reādunt à sole, uel sol ab eis. Minuti

nuti uerò lumine, cum accedunt ad solem, uel sol ad eos.

Orientales & matutini cum oriuntur ante solem. Occidentales uerò & uespertini, cum occidunt post solem.

Oriētes, ortu matutino sunt, qui de sub radiis exeuntes propter remotionem eorū à sole, uel solis ab eis, manē ante ortum solis apparere incipiunt.

Orientes ortu uespertino sunt, qui de sub radijs exeuntes propter remotionem eorum à sole uesperti post solis occasum apparere incipiunt.

Occidentales occasu matutino sunt, qui radios solis ingrediuntur, propter accessum eorum ad solem manē occultari incipiunt.

Occidētes autem occasu uespertino sunt qui solis radios ingrediuntur, & propter accessum eorū ad solem, aut solis ad eos uesperti post solis occasum incipiunt occultari.

Tres superiores non occidunt occasu matutino, nec oriuntur ortu uespertino, sed Venus & Mercurius atq; Luna.

## DE PRIMO ASPECTU NO-

ue seu nascentis

Lune.

Triplex est ratio, cur Luna post coniunctionē suam cum sole quandoque citius, quādoque tardius appareat.

Vna declinatio sine obliquitate zodiaci & horizon-  
tis.



tit. Nam si fit coniunctio sub ecliptica in medietate tamen à fine Sagittarij ad finem Geminorum, tunc cum Sol occidendo in horizonte fuerit, plures gradus erunt in arcu reuolutionis Lune à Luna ad Horizontē, quàm de zodiaco à Luna ad Solem. Vnde in climatib. septentrionalib. citius uideri poterit, quàm si fuisset in altera zodiaci medietate.


Secunda est latitudo Lune ab ecliptica. Nam si post coniunctionem mouetur in latitudinem septentrionalem, iterum citius uideri poterit, quàm si moueretur in latitudinem meridianam.

Tertia est uelocitas motus Lune ueri. Nam si uelox est motus, citius apparet, quàm si tarda foret.

F

Schema


SCHEMA QVANDO LV-  
na nasans cūus sese nobis osten-  
dat ex prima caussa.



SCHEMA

SCHEMA QVANDO LV-

*na ex prima causa tar-*  
*dus emergit.*




F 4

Fle

Fit igitur quandoque, ut omnes hæ causse concurrant: tunc eodem die & uetus & noua apparet, quandoque autem duæ tantum: tunc secundo die post conuersionem, quandoque uerò una sola: tunc in tertio die uidetur. Quandoque etiam omnium eorum oppositum accidit: tunc quarto die contingit eam apparere.

Scholia in sequentem figuram.

Nisi Luna eclipsetur sine in plenilunio seu nouilunio, aut alio quouis tempore, medietate ut minimum illuminatur, quod præsens figura monstrat.



**TERTIVM GENVS PASSIO-**  
*num, quæ accidunt planetis  
 inuicem collatis.*

*Aspectus planetarum trinus est, cùm per tertiam  
 partē, Quadratus, cùm per quartam: Sextilis uerò, cū  
 per sextā eclipticæ partē eorū uera loca distiterint.*

**SCHEMA ASPECTVVM**  
*seu configurationum.*



QVARTVM GENVS PASSIO-  
num, quæ accidunt Planetis, ac præcipuè  
luminarib. collatis ad terram.

Coniunctio media planetarum fit, quando lineæ me-  
diorum motuum eorum secundum longitudinem zodia-  
i coniunguntur.

Vera autem, quando lineæ uerorum motuum sic cõ-  
ueniunt.

Sed uisibilis quando lineæ ab oculo nostro per cẽ-  
tra corporum suorum eductæ coniunguntur in unum.

Similiter de oppositione mediz, & uera dicendum.

Et attenduntur hæc in eisdem signo gradu & mi-  
nuto.

Ex isto patet sepe coniunctionem uerã esse, quan-  
do media præcessit, aut futura est. Sepe etiã ueram esse,  
quando tamen uisibilis non est, aliquando etiam uisi-  
bilem ueram præcedere, quandoque uerò sequi.

DE DIVERSITATE ASPECTVS,  
quam Ptolemæus uocat ὁράματα.


Locus uerus astri est punctus firmamenti lineam à  
centro mundi per centrum astri protentam terminans.

Locus autem uisus siue apparens per lineam ab ocu-  
lo per centrum astri protractam determinatur.

Diuersitas aspectus astri est arcus circuli magni  
per zenith, & uerum locum astri transeuntis inter lo-  
cum astri uerum, & apparentem interceptus.

F iiij Schema

PASSIONES  
SCHEMA PARAL-  
LAXEOS.



Scholia.

Luna existente in F. centro mundi A. oculo in G. erit uerus locus Luna punctus B. uisus uero D. est itaq; D.B. diuersitas aspectus Lune.

Solis autem in puncto E. constituti erit uerus locus. C. Sed uisus locus erit. D. & D.C. diuersitas aspectus eius, quæ minor est diuersitate aspectus Lune aræ. C. B. quapropter erit C.B. diuersitas aspectus Lune ad Solem. Quo autem stella & centro mundi propior est, & supra horizontem altior, eo minorem diuersitatem aspectus habet.

Textus.

Inde manifestum est, quanto uicinius astrum centro mundi & horizonti fuerit, tanto maiorem habere diuersitatem aspectus. Hanc quoque maximam in  
Luna



Luna reperiri : In Marte uerò nō benè perceptibilem. Habet nanque semidiameter terræ, sensibilem ad semidiametrum orbis Lunæ, non multum autem perceptibile ad semidiametrum orbis Martis magnitudinem.


Diuersitas aspectus astri in longitudine est arcus eclipticæ inter duos circulos magnos interceptus, quorū unus per polos eclipticæ, & locum uerum proædit, alter autem per eosdem polos, & locum astri uisum.

Diuersitas astri in latitudine est, arcus arcuuli magni per polos zodiaci transeuntis, & locum astri uerum interceptus inter duos arcuulos eclipticæ æquidistantes, quorum unus per locum ueri astri progreditur, alter per locum eius uisum. Id autem quod de his arcuulis æquidistantibus eclipticæ intrāpitur inter arcuulos magnos per polos zodiaci transeuntes, simile est diuersitati aspectus in longitudine.

Vnde diuersitas aspectus est quasi linea diagonalis quadranguli, cuius latera sunt diuersitates aspectus in longitudine & latitudine.

S C H E M A

PASSIONES  
 SCHEMA PARALLAXEON  
*secundum omnes species.*



*Scholia.*

*Ecliptica A.B.C. cuius polis D.*

*Zenith E.*

*Locus uerus stellæ F.*

**Locus**

Locust ipsius apparens. G.

Diuerſitas aspectus in longitudinem. B. C. uel F. H.

Diuerſitas aspectus iuxta latitudinem. F. K.

Vniuerſalis diuerſitas aspectus arcus diagonius.

F. G.


Textus.

Diuerſitas aspectus lunæ ad solem est ex æſſus diuerſitatis aspectus lunæ super diuerſitatem aspectus ſolis.

Si uera coniunctio luminarium fuerit inter gradum eclipticæ aſcendentem, & nonageſimum eius ab aſcendente, uiſibilis eorum coniunctio præſit ueram. Si autem inter eundem nonageſimum, & gradum occidentem fuerit, uiſibilis ueram ſequetur. Sed ſi in eodẽ gradu nonageſimo acciderit, tum ſimul uiſibilis coniunctio cum uera fiet, nullaq; diuerſitas aspectus in longitudine continget. Nonageſimus nanque gradus eclipticæ ab aſcendente, ſemper eſt in ærulo per zenith, & polos zodiaci procurrente.

Schema

SCHEMA APPARENTIVM  
& uerarum synodorum.



Scholia.

Sole per quartam occidentalem currente, linea uisibili, ueram lineam in consequentiam signorum sequitur. accidente igitur in hac quarta coniunctione lune & solis, præcedet uera coniunctio uisibilem, ut in presenti figura ad ueram solis lineam. L. N.O. prius luna accedit, quàm ad uisibilem B. L. P. At in quarta orientali contrarium semper euenit, ut ex eadem figura oculus subijatur.


Textus.

Latitudo lune uisa est arcus arculi magni per polos zodiaci & locum lune uerum, aut uisum transseuntis inter eclipticam & circulum sibi æquidistantem in ædentem per locum uisum interceptus.

Digiti ecliptici dicuntur duodecimæ diametri corporis solaris

*solaris aut lunaris eclipsatæ.*

*Typi eclipticorum punctorum.*



*Textus.*

DE DVRATIONE ET QVAN-  
titate Lunarium defectuum.

*Minuta casus in eclipsi lunari sunt minuta zodiaci, quæ Luna perambulat Solem superando à principio eclipsis usque ad medium eius, si particularis fuerit, aut uniuersalis sine mora, uel à principio usque ad initium totalis obscurattonis, si uniuersalis cum mora fuerit.*


*Minuta moræ dimidiæ sunt minuta zodiaci, quæ Luna Solem superando à principio totalis obscurattonis, usque ad medium eius perambulat.*

*Minuta casus in eclipsi solari, sunt minuta quæ Luna à principio eclipsis usque ad medium superatione  
sua*

*sua ultra solem perficit.*

*Quare si minuta ista per superationem lune in hora diuidantur, tempus, quo ea pertransit, eueniet.*

### TYPVS ECLIPSIS.




*Orbis niger umbræ terræ crassitiem in loco transitus lune tempore eclipsis designat. Quatuor autem orbiculi quatuor lune situs, uidelicet in principio & fine eclipsis, ac in principio & fine moræ iuxta in utrisque locis suam latitudinem representant.*

**Typus**

PLANETARVM.  
TYPVS HVIVS DE-  
FECTVS.

95



*Diameter*

*Diameter solis uisualis eccentrici. 31. minuta chordat, sed in opposito triginta quatuor. Semper tamen, quæ est proportio quinque ad sexaginta sex, ea est motus solis in hora ad diametrum suam uisualem.*

*Luna uerò in auge Eccentrici & Epicycli 29. minuta, sed in auge eccentrici & opposito augis epicycli triginta sex. Semper tamen quæ est proportio 48. ad 47. ea est motus Lune in hora ad diametrum suam uisualem.*


*Quare sequitur quòd possibile sit, ut etiam quandoque solis eclipsis accadat uniuersalis. Nunquam tamen naturaliter apparere potest ratione diuersitatis aspectus, ut totus sol toti terræ uniuersaliter eclipsetur.*

*Scholia in sequentes figuras.*

*Prima harum figurarum eclipses lunares representat particulares in A. & B. uniuersalem in D. mutuum duntaxat contactum in C.*

*Defectus uniuersalis solis apparet homini in plaga B. constituto, in C. uerò particularis, de quo ad D. nil apparet ob diuersitatem aspectus Lune, ut in secunda figura perspicitur.*





G

## Textus.

Dum sol in auge cœntriæ fuerit, diameter umbræ in loco transitus lunæ se habet ad diametrum lunæ visua-lem, sicut tredecim ad quinque.

Excessus autem eius, dum sol est in auge super dia- metrum eius, dum sol alibi fuerit in cœntriæ, decuplus est ad differentiam motuum solis in hora, quibus dum est in auge atque illo loco alio mouetur.

QVINTVM GENVS PASSIO-  
num de declinatione & latitudine.

Declinatio stellæ est distantia ipsius ab æquinoctia- li, & computatur in cirulo transcente per polos mun- di, & uerum locum stellæ, quem linea à centro mundi per centrum corporis stellæ ducta designat.

Latitudo autem stellæ est distantia eius ab eclipticæ, & computatur in cirulo per polos eclipticæ, & uerū locum stellæ modo dictum eunte.

Ex his & de Sole supradictis manifestum est, Solem nullam habere latitudinem, licet declinationem habeat, cō quod semper superficies deferentis eius in superfacie eclipticæ permaneat.

DE LATITVDINE  
LVNAE.

Luna autem & alij quinque latitudinem habent.

in luna

In luna nanque propter declinationem axis augem mouentium ab axe zodiaci superficies plana deferentis eius semper superficiem planam eclipticæ sciat super diametro mundi ab eadem in partes oppositas declinando quâtitate suæ maxime declinationis semper eadem inuariabiliter permanente. Superficies namq; plana epicycli eius nunquàm à superficie deferentis recedit. Quapropter non habet nisi latitudinem unam, scilicet quæ propter declinationem deferentis ab ecliptica contingit. Hæc autem cognoscatur per argumentum latitudinis lunæ uerum.


Vnde argumentum latitudinis Lunæ medium, est arcus zodiaci inter lineam ueri motus capitis draconis, et lineam medijs motus Lunæ secundum successione signorum acceptus.

Argumentum autem latitudinis Lunæ uerum, est arcus zodiaci à linea ueri motus capitis ad lineam ueri motus lunæ numeratus secundum successione.

Subtracto igitur uero motu capitis de uero loco lunæ, aut addito uero motu lunæ cum medio motu capitis, argumentum latitudinis lunæ uerum prædabit.

G ij

Scholia



## Scholia.

Lineae mediæ motus. C.D.H.

Lineae veri motus eius. D.L.

Caput draconis ad A.

Medium argumentum latitudinis. A.H.

Verum argumentum latitudinis arcus eclipticæ

A.L.


## Textus.

# DE LATITVDINE TRIVM superiorum planetarum.

Tres uerò superiores duplicē habēt latitudinē, unā,  
q̄ ne coniungit propter declinationem superficiei defe-  
rentis

rentis à superficie eclipticæ in oppositas partes, sicut in luna, semper quantitate maxima inuariabili manente. Inter sectiones tamen deferentium cum eclipticæ super diametro mundi, quæ etiam caput & cauda dicuntur, non mouentur, sicut in luna contra suæssionem signorum, sed sicut dictum est, secundum motum octauæ sphaeræ, ita ut auges deferentium illorum semper circūferentias eclipticæ æquidistantes à parte septentrionis describant. Quæquàm autem auges illorum semper sint septentrionales, non tamen in omnibus sunt puncta maximarum latitudinum deferentium ab eclipticæ, imò solum in Marte sic est, ut aux deferentis maxime declinet ad aquilonem ab eclipticæ, sed in Saturno talis punctus distat ante augem sui deferentis, scilicet contra suæssionem quinquaginta gradibus. In Ioue uerò post augem, scilicet secundum suæssionem gradibus uiginti.

G iij



## Scholia.

Auges trium superiorum Saturni in A. Martis in B. Iouis in B.

## Textus.

Latitudinem autem aliam ex parte superficiei planæ epleycii quandoque à superficiei deferentis plana declinantis. Mouetur enim epleycus in latitudinem respectu augis ueræ super axe suo per cætrum eius et longitudi-

longitudines medias trāseunt, taliter tamen, ut cūm cētrū epicycli fuerit in nodo capitis, aut caudæ, aux uera & oppositum epicycli directē sint in superficie deferentis, & superficies epicycli in superficie eclipticæ. Postquam autē reādit à nodo, diameter augium epicycli declinare incipit à superficie deferentis, ita q̄ oppositum augis uera epicycli remoueri incipit à superficie deferentis uersus eam partem, ad quam medietas deferentis, per quam tunc moueri cētrum epicycli incipit ab ecliptica, & aux uera epicycli tantundem ad partem oppositam. Et sic continuē remouentur aux & oppositum augis epicycli à superficie deferentis, donec cētrum epicycli perueniet ad punctum deferentis maximè ab ecliptica declinantem, saliat inter duos nodos medium, ibi tunc maximè epicycli superficies cum dicta diametro à deferente declinat. Ab hoc autem loco successiue declinatio epicycli à deferente minoratur, usquequo cētrum epicycli peruenit ad nodum alium, in quo iterum tota superficies epicycli erit in superficie eclipticæ, & diameter augium uerarū in superficie deferentis. Vnde axis super quo fit motus iste in latitudinem, semper dum cētrum epicycli extra nodos fuerit, superficiei eclipticæ æquidistabit.

#### QUATVOR CORRELARIA.

1. Ex his apparet primò, quòd axis (ut dictum est superius) super quo fit reuolutio epicycli in longitudinem axi eclipticæ quandoq; æquidistat, quandoq; uerò non, nunquam autem axi cētrici æquidistabit.

G iiij

2. Secundò,

2. Secundò, semper corpus planetæ, dum in superiori medietate epicycli fuerit, antro epicycli extra nodos existente, erit inter duas superficies, scilicet eclipticæ & sui deferentis. Dū autem fuerit in inferiori medietate epicycli, erit distantius ab eclipticâ, quàm deferens ab eadem. Non igitur semper astrum inter deferentem & eclipticam reperietur.

3. Tertio, auges epicyclorum ueras, & medias non semper terminos esse linearum, quæ per centrum epicycli trahuntur, utrum tamen eas per tales lineas contingit determinari. Vnde aux media epicycli semper est in superficie plana orthogonaliter superficiẽ deferentis in linea augis mediæ secante, & aux uera epicycli in simili superficie secante deferentẽ in linea augis ueræ.

4. Quarto, manifestè patet, centra deferentium & æquantium à superficie plana eclipticæ declinare.

Latitudines autem horum, quæ scribuntur in tabulis, contingunt dum centrum epicycli in puncto deferentis maximè declinante fuerit.

#### DE LATITVDINIBVS VENUS & Mercurij.

Sed Venus & Mercurius triplicem solent habere latitudinem, unam ex parte deferentis, quæ deuiatio dicitur, aliam ex parte inclinationis diametri augis ueræ & oppositæ epicycli, quæ inclinatio uocatur, tertiam ex parte reflexionis diametri, longitudinum mediarum respectu augis ueræ, quæ reflexio appellatur.

DE



## DE DEVIATIONE SEV

ἐγκλίσεω eccentricorum.

Superficies nanque deferentis in latitudinem, nunc ad partem septentrionis, nunc meridiei super diametro mundi mouetur, cuius motus poli utrinque ab auge æquantis nonaginta gradib. eclipticæ distant. Ibi enim caput & cauda fiunt, hic tamen motus latitudinis motui æntri-epicycli taliter est proportionatus, ut quādo æntrum epicycli fuerit in aliquomodorū, saliat nonaginta gradib. ab auge æquantis distans, nulla est deuiatio deferentis, sed tota superficies eius in superficie eclipticæ existit. Deinde centro epicycli eius à nodo reuertēte incipit deferens deuiare, ita ut medietas eius, quam ingreditur centrum epicycli, in Venere quidem semper declinet ad aquilonem, in Mercurio uero semper ad austrum. Et augetur successiue deuiatio, donec æntrum epicycli peruenerit ad auge deferentis, uel eius oppositum, tunc enim deuiatio est maxima, in Venere quidē minuta decem, sed in Mercurio minuta quadraginta quinque, quæ ulterius continuè minoratur usquequo cētrum epicycli in nodum alium peruenerit. Vbi rursus nulla fiet deuiatio. Post iterum fiet, ut prius.

Vnde patet, sicut nunquā æntrum epicycli Veneris uersus meridiem deuiat ab ecliptica, ita nunquā æntrum epicycli Mercurij uersus Aquilonem contingit deuiare.

Manifestum est etiam motum circuitionis centri epicycli

cycli in deferente equalem esse reditioni deferentis in latitudine.

Hinc similiter apparet polos, super quib. fit motus deferentis in longitudinem, ut dictum est supra, nunc ad polos zodiaci accedere, nunc ab eis remoueri.

Propter dictas autem deuiationes orbibus prænume-  
ratis aliam mundo concentricum prædictos omnes in-  
cludentem superaddi uidetur oportere, ad cuius motum  
treptationis prædictæ deuiationes accedant.

ἢ ἡ ἐγκλίσις, siue de inclina-  
tione epicycli.

Sed superficies epicyc. plana à superficie deferentis  
hæc atque illæ declinando, mouetur. Primò super dia-  
metro epicycli per longitudines medias ab auge uera  
eunte, quo motu fit, ut diameter augis ueræ & oppositi  
superficiem deferentis seæt, ita ut aux uera in unâ par-  
tem & oppositum in aliam à deferente declinent.

Hæc tamen declinatio motui centri epicyc. taliter  
proportionatur, ut quandoecunque centrum epic. fuerit  
in auge æquantis, dicta diameter nusquam à deferente  
declinet, sed in superfide eius constituatur, Centro autẽ  
epicyc. ab ea recedente, aux uera epicycli à superficie  
deferentis declinare incipit, in Venere quidem uersus  
Septentrionem, in Mercurio uerò ad meridiem, & op-  
positum augis ueræ ad partem oppositam. Quæ decli-  
natio continuè augetur usquequo centrum epicycli ad  
nodum caudæ peruenerit, saluat dum ab auge æquantis  
nonaginta

nonaginta gradibus secundum successione signorum distiterit. Tunc enim maxima dictæ diametri contingit declinatio, quæ postea cōtinuè minorabitur, donec centrum epicycli ad oppositum augis æquantis peruenit, ubi rursus nusquam dicta diameter declinat, sed in superficie deferentis constituitur. Inde uerò centro epicycli recedente uersus nodum alium, aux uera declinare incipit à superficie deferentis, in Venere quidem ad meridiem, in Mercurio autem ad Aquilonem, & oppositum augis ad partem oppositā, & maioratur successiue declinatio, donec ad nodum alium peruenit centrum epicycli, ubi rursus maxima fiet. Dehinc autem decrescit, donec in augem æquantis uenerit, ubi, sicut primò, dicta diameter in superficie deferentis erit. Inde prior dispositio redit.

## COLLATIO DEVIATIONIS.

& inclinationis.

Quandocunque igitur maxima deferentis deuiatio cōtingit, nullā epicyclus declinationem habet, & quādo hæc nulla est, illa maxima est.

DE REFLEXIONE  
EPICYCLI.

Secundò autem mouetur superficies plana epicycli à superficie deferentis declinādo super diametro epicycli, per augem uerā, & eius oppositū eunt. Quo motu fit, ut diameter epicycli per lōgitudines medias ab augem uerā transiens superficiem deferentis quandoque seat,  
ita ut

ita ut medietas epicycli sinistra in unam partem, dextra in aliam à deferente reflectantur. Sinistram autem nom, quæ post augem epicycli secundum successione[m] existit.

Hæc tamen dicta diametri reflexio, etiam motui centri epicy. proportionata est taliter, ut quodcumque centrum epicy. fuerit in nodo capitis, saliat in intersectione ante augem deferentis contra successione[m] signorum gradibus nonaginta, nulla sit dicta diametri reflexio, sed in eadem superficie cum deferente locetur. Centro autem epi. y. hinc versus augem recedente, medietas diametri dicta sinistra, siue orientalis à superficie deferentis, in Venere quidem ad Septentrionem, sed in Mercur. ad Austrum inapit reflecti: altera uero medietas uersus partem oppositam, quæ quidem reflexio continuè augetur, usquequo centrum epicycli ad augem æquantis uenerit, ubi tunc maxima fiet. Post uero uersus nodum alium decrescet, donec ad eundem centrum epicy. perueniat, ubi rursus nulla accidet reflexio. sed ab hoc loco centro epicycli transcurrente uersus oppositum augis æquantis, iterum medietas sinistra diametri euntis per longitudes medias inapit reflecti, in Venere quidem ad Meridiem, ad Aquilonem autem in Mercurio, & augebitur usquequo ueniet ad oppositum augis æquantis, ubi tunc iterum maxima fiet. Hinc autem minuetur successiue usque dum centrum epicy. ad nodum capitis reuertitur, ubi nulla fiet reflexio, & rursus habitudo prior redibit.

COL-

...ma-  
...putantur,  
atur in ...  
...contingent, dum  
at.

... autem maxima contingit reflexio, scilicet in au-  
ge deferentis uel opposito existente cetro epicycli ex-  
tremas diametri, quæ reflectitur, minorem habet re-  
flexionem, quam plures partes circumferentiae epicycli  
sub ea uersus oppositum augis existentis. Punctus tamen  
circumferentiae epicycli contactus, à linea eam contingē-  
te à centro mundi protracta, tunc præ ceteris maximam  
habet reflexionem.

Si ut itaque motus declinationis epicy. fit super dia-  
metro quæ reflectitur, ita e conuerso motus reflexionis  
epicy. super diametro declinante accidit, unde uicissim  
una est axis motus alterius. Non igitur in istis, sicut in  
superioribus oportet axem, super quo fit motus inclina-  
tionis epicycli, cum extra nodos fuerit, superficiei ec-  
liptica equidistare.

Propter dictas epicyclorum inclinationes atque re-  
flexiones, orbis parui epicyclos intra se locantes à qui-  
busdam ponuntur, ad quorum motum eadem contingunt.

Octauæ

